

№ 42.

не тылько тепер, але з милосты своее ку намъ, господару, и Речи Посполитой бываючы на службах нашихъ господарских и Речи Посполитое, здорове свое противу люду неприятеля нашего Московского выносечы и, пры добываню того замку Полоцкого з рук неприятельских Московскихъ, не одно сами при насъ, господару, были и певные почты ¹⁾ свое водлух наболшого преможення своего на службу нашу господарскую выведшы, з нелитованем горл и маентностей своих, яко добрые верные рыцерские люди служыли, до которых службъ и впрод охотнейшими учиниты ихъ хотечы, будучы нам на том теперешнимъ зезде у Вильни, за присланемъ од них послов лист подкоморого земли полоцкое пана Оникая Корсака и писара земского земли Полоцкое Юря Дроговицкого, которые нам до леглосты прекладали, их пры тых волностях привилеях первых од предков наших, королей их милосты и великих князей Литовских им наданых, зоставуем. Якож книги канцелярыйские одворил и привилей на волности их, им наданы, до метры вписаны, въ сес лист, привилей наш господарски, слово од слова увесты есмо розказали, которые так се въ себе маеть:

Во имя Божое станьсе, иж всяке вчынки цнотливые, которые з обычаев людских походят и бывають в заховалостях их дилание, которыесь и знайомосты звычайю по вчынного часы своими, а внести через досвеченя оказують и верне а стали доконають, годно есть, абы слушне тэж вчынносты свое поживали, а были бы ознаймены на письмах выслужонные и подтвержонные, для ведомости потомъ прышлое людское, абы часу посполитого з паметы не сходило. А про то мы, Зыгмунтъ Августъ, Божью милостию, король Польскій, великій князь Литовскій, Русскій, Прусскій, Жмудскій, Мазовецкій и инных, чыним знаменито всем

¹⁾ Почетъ—отрядъ войска, эскадронъ